



BOSNA I HERCEGOVINA
PREDSJEDNIŠTVO

Član Predsjedništva Bosne i Hercegovine

dr. Denis Bećirović

Sarajevo, 12. juni 2023. godine

Poštovani gospodine Masse,

U ime građana Bosne i Hercegovine i svoje lično ime, dozvolite da Vam, u svojstvu člana Predsjedništva Bosne i Hercegovine srdačno zahvalim na velikom doprinosu i postignućima, koji dugi niz godina činite za Bosnu i Hercegovinu, njegujući kulturu sjećanja.

Svi građani i građanke bosanskohercegovačkog porijekla koji žive u Kanadi i mnogi Kanađani mogu posvjedočiti Vašem doprinosu da Kanada proglasi Dan sjećanja na genocid u Srebrenici, te prizna da je u Srebrenici počinjen zločin genocida. Uprkos velikom otporu da se koristi riječ genocid, Vi niste odustajali od ovog termina i Rezolucija je jednoglasno usvojena u Kanadskom parlamentu 19. oktobra 2010. godine.

Proces lobiranja i zalaganja za ovu Rezoluciju je trajao više od godinu dana, a Vaša predanost, zalaganje, integritet i hrabrost su ključni faktori koji su doveli do ostvarenja ovog, za nas veoma značajnog postignuća.

Vaš rad na drugoj rezoluciji koja je takođe jednoglasno usvojena u Kanadskom parlamentu, Vaše zalaganje za postojanje stalne izložbe o genocidu u Srebrenici u najelitnijoj muzejskoj ustanovi Kanade, Muzeju za ljudska prava, Vaš rad na izgradnji i otvorenju spomenika žrtvama genocida u Srebrenici u Windsoru, prvog takvog spomenika u bosanskohercegovačkoj dijaspori, vaše zalaganje da se u Kanadi obilježava 31. maj kao Svjetski dan bijelih traka i na kraju vaše opredjeljenje da se krivično sankcionišu negatori genocida u Srebrenici u Kanadi su uzoran primjer dosljednog poštivanja međunarodnog prava.

Uz iskrene želje za Vaše blagostanje i uspjeh, kao i napredak i prosperit građana Kanade primite, poštovani gospodine Masse, izraze mog ličnog poštovanja.

Član Predsjedništva Bosne i Hercegovine

dr. Denis Bećirović

Uvaženi Brian Masse, član Parlamenta Kanade
Hill Office
Donji dom Parlamenta Kanade
Otava, Ontario
Kanada
K1A 0A6